

RUOVTTU BURESSIVDNIDEAPME

Ruovttu buressivdnideame doaimmaha báhppa, searvegotti eará bargi dahje searvegotti lahttu. Vilges liinniin gokčojuvvon beavddi ala sáhtta bidjat Biibbala ja ruossa dahje krusifivssa sihke cahkkehit gintala.

Ruovttu buressivdnideame sáhtta merket vihahan- dahje bearašbiibbalii.

1. Sálbma

Sáhtta geavahuvvot ovdamearkka dihte sálmma 446 dahje 456. Sálmma sajis sáhtta leat eará musihkka.

2. Álggahus

Álgosivdnideapme

Álgosivdnideame lea vejolaš lohkat dahje lávlut (nuohtat, gč. s. 481).

B/O Áhči ja + Bártni ja Bassi Vuoiŋŋa nammii.

S Ámen.

B/O Min veahkki lea Hearrá,

S almmi ja eatnama sivdnideaddji.

DAHJE

B/O Hearrá lehkos dinguin.

S Nu son lehkos maddái du vuoiŋŋain.

Álggahansánit

Álggahansániid lea maiddái vejolaš ráhkadit ieš.

B/O Ráhkis kristtalaččat. Ipmil lea sivdnidan visot buorrin, ja mii oažžut váldit su attáldagaid giitosiiguin vuostái. Son lea addán didjiide [„NN ja NN,] dán ruovttu ja visot, mii dasa dárbbášuvvo. Odne mii giitit Ipmila, buot skeaŋkkaid addi, ja gullat su sáni. Mii bivdit buressivdnádusa dán ruktui ja buohkaide, gudet dáppe ássat ja galledit.

DAHJE

B/O Ráhkis kristtalaččat. Ruoktu lea midjiide stuorra Ipmila attáldat. Ruovttus mii háliidit eallit dorvvolaččat ja dohkkehuvvon olmmožin. Beastámet buktá min luhtte orodettiin ráfi ja ándagassiiaddi miela, maid mii ohealit. Su čuovvuidge son ávžžuha sávvat su ráfi buot ruovttuide. Odne mii giitit dán ruovttus ja buressivdnidit dan. Beastámet ávžžuhusa mielde mii cealkit: Ráfi lehkos dán ruktui! (Luk 10: 5).

3. Biibbalsálbma

Sáhtta geavahit maiddái girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálmma sáhtta lohkat dahje lávlut. Dan álggus ja loahpas sáhtta leat antifona.

Biibbalsálbmii laktojuvvo Uhca gudni. Dan sajis sáhtta atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Dat guđđojuvvo eret fástoáigge 5. fástoáiggi sotnabeaivvi rájes.

Antifona

Du báhtaranbáiki lea Hearrá,
don leat dahkan Alimusa orrunsadjinat.

Sál 91: 9

Biibbalsálbma

Dat guhte čohkká Alimusa suojis
ja ássá Buotveagalačča suoivanis, dadjá ná:
”Hearrá lea mu báhtaranbáiki ja ladni,

mu Ipmil geasa dorvvastan.”
Soadjádolggiidisguin son gokčá du,
su soajáid vuolde don gávnnat suoji.
Su oskkáldasvuohta lea galba ja suodjalus.
Du báhtaranbáiki lea Hearrá,
don leat dahkan Alimusa orrunsadjinat.

Sál 91: 1–2, 4, 9

DAHJE

Rámidehket Hearrá, oppa eanan.
Bálvalehket Hearrá ilus,
bohtet su muoduid ovdii ávuin!
Dovdet ahte Hearrá lea Ipmil!
Son lea sivdnidan min, ja mii leat su,
su olbmot ja su sávzzat maid son geahččá.
Mannet su poarttaid čada giittoslávlagiin,
mannet su ovdašiljuide máidnunlávlagiin.
Giitet su ja máidnot su nama.
Dasgo Hearrá lea buorre,
su árbmugasvuohta bistá agálaš áigái,
su oskkáldasvuohta sogas sohki.

Sál 100

DAHJE

Juos Hearrá ii hukse viesu,
de huksejeaddjit barget duššás.
Juos Hearrá ii gáhtte gávpoga,
de goziheaddji gohcá duššás.
Duššás dii lihkkabehtet árrat
ja maŋŋit borrabehtet dan láibbi
man dihtii lehpēt rahčan.
Son addá dan ustibiiddásis
velá go sii leat oaddimin.

Sál 127: 1–2

Uhca gudni

Gudni Áhččái ja Bárdnái
ja Bassi Vuignii,
nugo lei álggus, dál lea ja álo
agálašvuodas agálašvuhtii. Ámen.

Antifona geardduhuvvo.

4. Biibbalohkan

Lohkkojuvvo okta dahje moadde čuovvovaš čálabihtáin. Sáhtá atnit maiddái girkojagi čuovvu dahje eará čálabihtáid.

Biibbalohkama manjá sáhtá leat jaskes mediteren.

1 Mos 18: 1–5

Herrá almmustuvai Abrahamii Mamre áikkaid luhtte. Abraham lei čohkkámin goahteuvssohis beaivvi báhkkeamos áiggi, ja go son bajidii čalmmiidis, de son oinnii golbma olbmá čuožžumin ovddastis. Dalán go son oinnii sin, son viegai goahteuvssohis sin ovddal ja gopmirdii gitta eatnamii. Son dajai: ”Herrá, juos mun leaččan ožžon árpmu du čalmmiid ovddas, de ale mana bálvaleaddját meattá. Almma mun oaččun buktit veaháš čázi, vai sáhttibehtet bassat julggiideattet ja vuoiŋastit muora vuolde. Mun vieččan didjiide veahá borramuša, vai áhpásmahtášeiddet iežadet, ovdalgo joatkibehtet mátkki. Almmá dan dihtii lehpetge bohtán bálvaleaddjádét lusa.” Sii celke: ”Daga nugo leat sárdnon.”

5 Mos 8: 12–14,17

Jos 24: 14–15

Apd 16: 31

Oskko Herrái Jesusii, de don ja buohkat du dálus bestojuvvobehtet.

Rom 12: 10–18

Ráhkistehket guhtet guimmiideattet váimmolaččat dego vieljažat, gilvvohallet gudnejahttimis guhtet guimmiideattet. Lehket ángirat, alletge leage loikasat, bullos dis Vuoiŋŋa dolla, bálvolehket Hearrá! Lehket ilolaččat doaivagis, gierdavaččat átestusas, bissovaččat rohkadallamis. Veahkehehket Ipmila olbmuid sin vátnivuodas, lehket guosseláddásat. Buressivdnidehket sin geat doarrádallet din, buressivdnidehket, alletge garut.

Illudehket singuin geat leat illudeamen ja čirrot singuin geat leat čierumin. Lehket ovttamielalaččat, allet čeavllástala, muhto servvoštallet dábálaš olbmuiguin, allet viissástala. Allet mávssat geasage bahá baháin. Vigget dahkat dan maid olbmot atnet buorin. Juos lea vejolaš, de ellet ráfis buohkaiguin nu guhkás go sáhttibehtet.

Fil 4: 4–7

Illudehket álelassii Hearrás! Vel oktii cealkkán: Illudehket! Dovdoset buot olbmot ahte dii lehpet láddásat. Hearrá lea lahka! Allet ane morraša mastege! Buktet baicca buot dárbbuideattet ovdan Ipmilii rohkadallamiin ja ánodemiin giitevašvuodain! De Ipmila ráfi, mii manná buot jierpmi badjel, várjala din váimmuid ja jurdagiid Kristusis Jesusis.

Kol 3: 12–17

Go dii lehpet Ipmila välljejuvvon, bassi ja ráhkistuvvon olbmot, de gárvodehket dan dihtii njuoras árkkálmastinvuodain, buorrevuodain, ustitlašvuodain, vuollegašvuodain ja gierdavašvuodain, nu ahte dii gierdabehtet guhtet guimmiideattet ja addibehtet ándagassii guhtet guoibmáseattet, juos nuppis leš váidámuš nuppi vuostái. Nugo Hearrá lea addán ándagassii didjiide, nu galgabehtet diige addit ándagassii guhtet guoibmáseattet. Muhto ovddimustá, gárvodehket ráhkisvuodain mii lea ollisvuoda báddi. Ráddejehkos Kristusa ráfi din váimmuin, dasgo dasa dii lehpet rávkojuvvon ovttá ja seammá rupmaša lahttun. Ja lehket giitevaččat! Orros Kristusa sátni valljugasat din gaskkas.

Oahpahehket ja cuiggodehket guhtet guimmiideattet buot viissivuodain. Lávlot Ipmilii giitevaš váimmus sálmmaid, giittoslávlagiid ja vuoinjalaš lávlagiid. Buot maid dii dahkabehtet, sániin dahje daguin, dahket dan Hearrá Jesusa nammii giittedettiin Ipmil Áhči su bokte.

Hebr 13: 2

Allet vajáldahte čájeheames guosseládisvuoda, dasgo dainna lágiin muhtumat leat váldán guossin engeliid diedekeahtá dan.

1 Biet 4: 8–10

Buot ovddimustá ráhkistehket njuorrasit guhtet guimmiideattet, dasgo ”ráhkisvuohta gokčá eatnat sudduid”. Lehket guosseláddásat guhtet guimmiidasadet nimmorkeahtá. Bálvalehket guhtet guimmiideattet, juohkehaš dainna árpmuattáldagain man lea ožžon, nugo buorit dálloallit geat hálddašit Ipmila mánggalágáš árpmu.

Alm 3: 20

Kristus cealká:

”Mun čuoččun uvssa ovddas ja goalkkuhan. Juos guhtege gullá mu jiena ja rahpá uvssa, de mun manan sisa su lusa ja boradan suinna, ja son borada muinna.”

Luk 10: 38–42

Vádjolettiin Jesus bodii muhtun gillái, gos Mártá-nammasaš nisu vuostáiválddii su ruovttustis. Mártás lei oabbá gean namma lei Márjá; son čohkánii Hearrá julggiid ovdii ja guldalii su sániid. Muhto Mártá lei doaimmas buot bargguiguin bálvalan dihtii gussiid. Son bodii sudno lusa ja dajai: ”Hearrá, itgo beroš go mu oabbá diktá mu okto buot bargat? Daja sutnje ahte galgá veahkehit mu!” Muhto Hearrá vástidii sutnje: ”Mártá, Mártá! Don muosehuvat ja ražat nu mánggain áššiin. Muhto goit okta lea dárbbášlaš. Márjá lea välljen buori oasi, ja dat ii váldojuvvo sus eret.”

Luk 19: 1–10

Jesus bodii Jerikoi ja manai gávpoga čada. Doppe lei olmmái gean namma lei Sakkeus; son lei tuolláriid oaivámuš ja hui rikkis. Son hálidii sakka oaidnit makkár olmmoš Jesus lea, muhto lei uhcci šattus iige beassan su lahka olbmuid dihtii. De son viegai ovddabeallái ja gavccui muhtun meahcefiikkonmurrii vai beasašii oaidnit Jesusa, muhtun báikkis gokko Jesus lei mannamin meattá. Ja go Jesus bodii dohko, de geahčastii bajás ja celkkii sutnje: ”Sakkeus, doama vuolás! Dasgo odne mun áiggun boahit du dálui.”

Sakkeus doapmalii vuolás ja vuostáiválddii su iluin. Muhto buohkat geat oidne dan, nimmoredje ja dadje: ”Son manná guossin suddolaš olbmá dálui!” Muhto Sakkeus loaiddastii ovdan ja dajai Hearrái: ”Hearrá, beali opmodagainan áiggun addit gefiide, ja juos leaččan váldán geasge rudaid vearrivuodain, de attán daid fas sutnje njealjegeardásačcat.” Jesus celkkii sutnje: ”Odne lea bestojupmi boahán dán vissui. Dasgo songe lea Abrahamá bárdni, ja Olbmobárdni lea boahán oheat ja beastit su gii lea láhpon.”

Joh 12: 1–3

Guhtta beaivvi ovdal beassážiid Jesus bodii Betaniai gos Lasarus orui, son gean Jesus lei bajásčuoččáldahtán jápmimis. Doppe dollojuvvojedje sutnje guossemállásat. Mártá lágidii daid, ja Lasarus lei okta dain geat ledje beavddi guoras. Márjá buvttii butti buhtes, divrras nardusvuoidasa, vuoiddai Jesusa julggiid dainna ja sihkui daid vuovttaidisguin. Viessu dievai njálggahájain.

Joh 15: 9–12

Jesus cealká:

”Nugo Áhčči lea ráhkistan mu, nu lean munge ráhkistan din. Bissot mu ráhkisvuodas! Juos doallabehtet mu báhkkomiid, de bissubehtet mu ráhkisvuodas, nugo munge lean doallan Áhččán báhkkomiid ja bisun su ráhkisvuodas. Dán lean sárdnon didjiide, vai mu illu bisošii din

siste, ja din illu šattašii ollisin. Dát lea mu báhkkon: Ráhkistehket guhtet guimmiideattet nugo mun lean ráhkistan din.”

5. Vástáduš

Vástádussan sáhtá leat sálbma, lávlla dahje čuojanasmusihkka.

6. Sárdni

7. Sálbma

Sálmma sajis sáhtá leat eará musihkka.

8. Rohkosoassi

Vuorrorohkos

Vuorrorohkosa sáhtá lohkat dahje lávlut (gč. Nuohtat girkolaš doaimmahaide)

B/O Leage rámiduvvon don, Hearrá, Ipmileamet!

S Du lea buot, mii lea almmis ja eatnan alde.

B/O Hearrá namma lehkos máidnojuvvon dálážis gitta agálaš áigái!

S Lehkos Hearrá namma máidnojuvvon.

Buessivdnideapme

B/O Ipmil lea buorre vuodastis addán ruovttu ja lagaš olbmuid. Buessivdnidehkos golbmaoktalaš Ipmil, Áhčči ja (+) Bárdni ja Bassi Vuoigŋa, dán ruovttu ja buohkaid, geat dáppe ášset ja galledit.

DAHJE

B/O Ipmila sáni mielde das, maid Hearrá sivdnida, galgá álo leat buessivdnáduš. (1 Muit 17: 27) Dása luhtedettiin buessivdnidan dán ruovttu Áhči ja (+) Bárdni ja Bassi Vuoigŋa nammii. Lehkos dát

ruoktu báiki, gos jerrojuvvo ja čuvvojuvvo Ipmila dáhttu. Rádde-
jehkos váimmusteattet Kristusa ráhkisvuohta.

Ovddasrohkos

Sáhtta atnit maiddá iešráhkaduvvon rohkosa.

B/O Rohkadallot.

1. Almmálaš Áhčči. Mii máidnut du attáldagain ja fuollaatnimis eallima buot muttuin. Du giedas mii oažžut váldit visot, mii mis leš. Veahket min atnit attáldagaid rievttuid. Buressivdnit dán ruovttu. Divtte sin, gudet dáppe ássat, dovdat dorvvu ja oktiigullelašvuoda. Veahket sin ráhkistit ja gudnejahttit guhtet guoimmiset. Divtte maiddá sin, geat galledit dán ruovttu, dovdat liekkusvuoda ja ustitvuoda. Gula min Bártnát Jesusa Kristusa dihtii.
2. Buorre Ipmil. Mii giitit du ruovttus, man mii leat ožžon. Mii giitit das, ahte mis lea báiki, gos mii oažžut eallit, bargat, vuoijastit ja vásihit jaskatvuoda. Leage don min ruovttu Hearrá. Suodjal min buorrevuodainat, nu ahte mii sáhtášeimmet dovdat dorvvu ja ráfi ja oažžut návccaid bargat bargguideamet. Ráhkát, Hearrá, min ruktui nana vuodu, mii gierdá geahččalusain. Daga mis soabatvuoda huksejeaddjiid. Veahket min gávdat vugiid, maiguin mii sirdit oskku árbbi sohka buolvvas nubbái. Divtte min ruovttu bissut rabasin buohkaide, geaid don vuolggahat min lusa. Dán mii bivdit Bártnát Jesusa Kristusa namos.

S Ámen.

Áhččámet

Hearrá rohkos celkojuvvo ovttá jitnii.

S Áhččámet, don guhte leat almmis.
Basuhuvvos du namma.
Bohtos du riika.
Šaddos du dáhttu,
mo almmis nu maiddá eatnama alde.

Atte midjiide odne min beaivválaš láibbi.
Ja atte midjiide min sudduid ándagassii,
nugo miige ándagassii addit velggolaččaidasamet.
Alege doalvvo min geahččalussii,
muhto beastte min bahás eret.
Dasgo du lea riika ja fápmu ja gudni agálašvuhtii.
Ámen.

9. Giittossálbma

Sáhtá atnit ovdamearkka dihte čuovvovaš sálmma: 118:1–2, 424 dahje 455: 1–3.

10. Buressivdnáduš

B/O Buressivdnidehkos min buotveagalaš ja árbmugas Ipmil,
Áhčči ja (+) Bárdni ja Bassi Vuoigŋa.

S Ámen.

DAHJE

B/O Hearrá buressivdnidivččii din ja várjalivččii din.

Hearrá čuvgešii muođuidis didjiide
ja livččii didjiide árbmugas.

Hearrá jorgalivččii muođuidis din beallái
ja attášii didjiide ráfi.

Áhči ja + Bárdni ja Bassi Vuoigŋa nammi.

S Ámen.

11. Loahpahanmusihkka

Loahpahanmusihkkan sáhtá leat sálbma, lávlla dahje čuojanasmusihkka.
Sáhtá atnit ovdamearkka dihte sálmma 335:6–7 dahje 444:5)